



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Iona Propheta**

**Luther, Martin**

**Argentorati**

**VD16 B 3892**

Credebant autem Nineuitæ, ac ubi indixissent publico statuto ieiuniu[m],  
saccis, a primoribus usque ad minores, induebantur.

**urn:nbn:de:hbz:466:1-36534**

Credebant autem Nineuitæ, ac ubi  
indixissent publico statuto ieiuniū,  
saccis, a primoribus usque ad mino-  
res, induebantur.

Opinor omnes in uniuersum in urbe diuos fuisse  
ut non iniuria, ciuitatem Deę eandem nominet, pro-  
fer enim ex amplissimo terrarum orbe, uel unam,  
quę cum hac possit cōferri, etiamsi ciuitas sancta Hi-  
erusalem foret, Nam intuerē eam, & contemplare  
propius, Diei unius iter usque peruēnit in urbem, et  
sermonem domini nunciauit Iona, nec dām omnes  
eum audire potuerunt, & omnes tamen credunt.  
Hierosolyma nunquam, neq; Christus, neq; Apосто-  
li, neq; Prophete per uerba sua & miracula eò per-  
ducere potuerunt, etiamsi longo tempore hoc ipsū  
tentarint, ac uerbum domini sedulo promulgarint,  
Quemadmodum & Christus de centurione aiebat.  
Non repperi tantam in Israēl fidem, immo Ionæ tem-  
poribus Israēl & Hierusalem impij erant, ubi Ni-  
neue Deo crederet. Quanquam etsi Hierosolymæ  
idem olim fecerint, utpote, Dauidis, Salomonis, Eze-  
chie, Iosie temporibus, nec tantum ideo tamen mi-  
raculum esset, quandoquidem lege dei, tot Prophetis  
tot regibus Deum timentibus, Principibus, Sacer-  
dotibus

dotibus

dotibus, alijsq; id genus præcipuis uiris ( qui in dies magis magisq; hortabantur ad timorem Dei ) non fuerint inconspicui. At Ionæ seculo Nineue, & optima & maxima urbs fuit, cui nulla usquam in terris conferenda fuit alia.

Hunc Prophetæ locum, Sophistæ ad opera pertraxerunt, Illic illic uides, opera Deum respicere, perq; ea Nineuitas consequi gratiam, etiam si gentes essent & increduli. Liberum arbitriū sese belle ad gratiam per opera instituere potest, & c. Respondeo, huiusmodi nugas antevertit Iona, quod priusquam enumeraret opera, Nineuitarum prædicarit fidem, ait enim, Viri Nineuitæ credebant Deo, hoc loco egregie transit, nobis opera monstrant. Ad hæc Nineuen, ciuitatem Dei Iona uocat. Ciuitatem Dei esse, & Deo credere, profecto non admittit liberum arbitrium hæc per se esse opera, ceterū gratiam dei & fidem, & ob talem gratiam & fidem, opera eiusmodi deo grata fuisse, per hæc enim foris etiam fidem cordis sui testati sunt, fructumq; sermonis à Iona habiti produxerunt, Ecquid non placeret deo, ubi fides & gratia in corde antea fuerint, & reliquæ peccatorum non obsint?

Obserua porro, quod faciunt quædam, quibus de nihil omnino in mandatis à Deo acceperant, quæ tamē  
reænsct

ANNOTATIONES.

recenset Iona, ut quod ieiunant, et saccis amictuantur  
 Quid ieiunium & saccos Deus curat? cor totamq;  
 nitam immutata uult, neque ea per Ionam à Nineui-  
 tis exegit Deus, sed hoc solum quaesuit, ut ab iniqui-  
 tate sua desisterent, Fieri potest, ut quispiam aliā  
 incedat, ieiunioq; incumbat, ac iuxta tamen insignis  
 in corde nebulo sit ac leno, quales monachi suo in ua-  
 ricolori habitu conspiciuntur, Quare subinde non  
 saccos, non ieiunium commendat, sed quod sese ad  
 deum conuerterit à uijs suis prauis. Atqui ex ueteri  
 more hæc egerunt, perinde atque à maioribus suis  
 didicerant, qui sese coram Deo eum ad modum sac-  
 cis & parsimonia humiliauerunt, Idem etiam de eo  
 quod Rex unā cum principibus suis in cinerem sese  
 collocat, dicendum est, quodq; tam stulta edicat, nem-  
 pe quod iumenta & bruta pecora, neque gustare,  
 nec bibere quicquam debeat, ad hæc, saccis etiam  
 uestiri, & implorare propitium numen. In cuius  
 unquam auribus increbuit, quod bruta animantia ie-  
 iunare, saccos induere, deumq; inuocare debeant?  
 num & Deo brutorum talia curæ sunt?

Indubie iumentorum siue pecorum ieiunium &  
 sacca tantum coram Deo ponderis habent, quantum  
 hominum, & econtra hominum, tanti ualēt, quanti  
 pecorum, Atqui timidum, humiliatum, terrefactum  
 que

que

que cor, uel stultiora parat, quo ostendat ita se ex  
 animo cruciari, Et si fieri posset, saxa etiam & syl-  
 uas ad tristitiam permoueret, & omnes creaturas  
 ad fletum secum cogeret, nec uel sic satis esse in ani-  
 mo cogitaret. Est enim ineffabile & incomprehen-  
 sibile, quanta seueritate cor poenitens agatur, quod  
 sic adfectum est, ut uniuersum mundum, eorundem  
 secum adfectuū esse putet, eademq; secum facere, ut  
 recte Paulus, gemitum spiritus inenarrabilem esse  
 dicat, Romanos. 8. Et Dauid psalmo 31. rugitum in-  
 star leonis edidisse se, præ cordis sui suspirijs adfir-  
 met. Hoc est poenitentia & gemitus cordis eius tan-  
 tus tamq; fortis erat, ut adeo horrende in ululatu &  
 fletu prorumperet, ac si quispiam irati leonis rugi-  
 tum audiret. porro, ubi deus tantum serium uiderit  
 satis ille habet, taleisq; nugas omnes plaudo animo  
 suscipit, quas alioqui nullo uultu dignaretur, ubi seri-  
 um tale non adesset. Quam ob causam Iona Nineui-  
 tarum poenitentiam & immutationem graphice po-  
 tenterque depinxit, ceu eam, quæ uehemens, seria, et  
 argumentosa fuerit.

Quod si Sophistæ opera iactare pergant hic,  
 quod multi fiant apud Deum, à me non impedi-  
 tur, Sed uideant, ut serium illud iactent quoq; ex  
 quo talia opera fiunt. Si enim opera cogitationibus  
 tantis

tantum aspexerint & susceperint, citra serium hu-  
iusmodi, ut sunt humanitus inuenti & suscepti ri-  
tus et ceremonie in coenobijs & templis, potissi-  
mum, quadragenarij Ieiunij, & hebdomadae, quam  
proxime paschales ferie sequuntur, temporibus,  
profecto uana sunt nugalia, ac si pecoribus Ieiuni-  
um, poenitentia & oratio, sine poenitentia hominũ,  
indicerentur. Quo nihil aliud expediretur, quam, ut  
rideremus Deum, maioremq; super nos iram cie-  
remus. Procul ergo procul a talibus operibus abe-  
undum, aut serio suscipienda sunt. Liberum autem  
arbitrium aut humane uires serium illud non sup-  
peditant, sed fides ex spiritus sancti uirtute. Vide-  
mus enim hic, quod Nineuitæ apud stulta opera nõ  
sistunt gradum, ceterum ultra Ieiunium & clamo-  
rem bestiarum, recta rem uia aggrediuntur, præci-  
piuntq; , ut a uia sua praua, & a temeritate manuũ  
suarum declinent. Plerisq; omnibus hoc uitij est, ut  
plurimum opera iactent, omisso eo quod additum  
est. nempe, ut auersemur prauitatem. bono nos ac-  
commodantes, uerum ij operarij, paleas absq; fru-  
mento, pressas uuas sine succo, nucem sine nucleo  
offerunt, qui Deum pro bardo & ludicro habent.  
Primum sine iusti fiant, & opera, quæ iactant, fá-  
ciam, postea sese ipsa lis componet. Nunc uero pro  
pter.

pter.

pter opera pugnam excitant, quorum tamen ne unum quidem facere cogitant, & quom nihil de illis ipsis nouerint perpetuo tamen de illis blaxterant, eorumq; doctores esse uolunt.

Saccos, siue culleos induere. Hebræa loquutio est, significat autem uilem & abiectum habitum gestare, atq; sine omni ornatu uestium incedere, quemadmodum illi faciunt, qui mœrent, unde pullati inambulabant. Sic & Ieremia, Cœlo inquit saccum induam, hoc est, tenebris & nubibus obducam. Et Apocalypsis. 6. Solem, in Cilicium permutatum esse dicit. Hunc in morem, & iumenta teguntur saccis, hoc est mœrere simul & uidere toruum compelluntur. Quemadmodum & Hebraico tropo, panis & aqua cibum potumq; significant. Et in cinere sedere, demittere se, citraq; pompam & honorem incedere signat. Non quod solo pane & aqua tantum eos uti oportuerit, in que cinere ante fornacem, uel super focum sedere. Cæterum quom non sit uilior alimonia pane & aqua, neq; abiectus uestimentū, culleo aut sacco, nec contemptior locus, cinere, quæcunq; uilia esculenta, poculenta, uestes, loca, habitus per ea designantur. Sicuti & Esaia de Babylone clamat, Humiliare Babylon humiliare, teque in cinerem colloca.

Quis